

Headlines

- 1 केन्द्रीय मंत्री अश्विनी वैष्णव होरें आखेआ जे 2025 बरे आहली पैहली कैबिनेट मीटिंग करसानें गी समर्पित ऐ।
- 2 रक्षा मंत्रालय ने रक्षा क्षेत्र च मौजूदा ते भविष्य च सुधारें गी प्रोत्साहन देने आस्तै 2025 गी सुधारें दा बरा घोषित कीता ऐ।
- 3 राष्ट्रीय जांच अजेन्सी ने 2024 च दोष सिद्ध करने च सौ फीसद कामयाबी हासिल कीत ऐ। जम्मू-कश्मीर च बी इस बरे दौरान आतंकवादिएं खलाफ कारवाइयां कीतियां गेइयां।
- 4 गृह मंत्री अमित शाह होर कल नमी दिल्ली च जम्मू कश्मीर एंड लद्दाख through the ages गी जारी करडन।
- 5 लोकें पूरे उत्साह ते जोश कन्ने 2025 बरे दा सोआगत कीता ऐ।

<><><><><><>

Cabinet Meeting Farmers

केंद्री मंत्री अश्विनी वैष्णव होरें आखेआ ऐ जे 2025 बरे दी पैहली कैबिनेट बैठक करसानें गी समर्पित ऐ। मीडिया आहलें कन्नै गल्लबात करदे होई उनें आखेआ जे केंद्री मंत्रीमंडल नै पी.एफ फसल बीमा योजना ते पुर्नगठित मौसम आधारित फसल बीमा योजना गी 2025-26 तक्कर जारी रखने लेई मंजूरी देई दिती ऐ। उनें आखेआ जे इनें योजनाएं दे समग्र खर्चे गी बदाइयै 69 ज्हार 515 करोड़ रपे करी दित्ता गेआ ऐ। मंत्री होरें आखेआ जे पिछले 8एं बरें च बरसानें गी 1 लख 70 ज्हार करोड़ रपे दे मुआवजे दित्ते गेदे न।

<><><><><><>

Defence-Ministry

रक्षा मंत्रालय नै रक्षा खेत्तर च मौजूदा ते भविष्य सरबन्धी सुधारें गी प्रोत्साहन देने आस्तै 2025 गी सुधारें दा बरा घोषित कीता ऐ। रक्षामंत्री राजनाथ सिंह होरें कल रक्षा मंत्रालय दे सारे सचिवें कन्नै महत्वपूर्ण बैठक दी अध्यक्षता कीती। इस बैठक च रक्षा खेत्तर दी प्रमुख योजनाएं, परियोजनाएं ते सुधारें दी प्रगति दी समीक्षा कीती गेई। उनें आखेआ जे इनें सुधारें दा केंद्र एहू यकीनी करना ऐ जे सशस्त्र बलें गी टेक्नॉलॉजी स्थावै उन्नत, बहु क्षेत्रीय अभियानें आस्तै तैयार रौहने च सक्षम बनाई दित्ता जा। एहदे लेई जिनें प्रमुख खेत्तरें पर ध्यान दित्ता जाग, उंदे च

रक्षा विनिर्माण गी प्रोत्साहन, बुनियादी ढांचे च बाढ़ा ते ए.आई, ड्रोन ते साइबर युद्ध नीतिएं जनेई उभरदी टेक्नॉलॉजी दे एकीकरण दे खेत्तर च प्रगति शामिल ऐ।

<><><><><><>

NIA-JK 2024

राष्ट्री जांच एजेंसी नै 2024 बरे लेई रिकार्ड उपलब्धता दी घोषणा कीती ऐ जेदे च उनें 25 बक्ख-बक्ख मामलें च 68 अपराधिएं गी सजा दुआने च 100 फीसदी दर हासल कीती ऐ। एजेंसी मूजब 2024 च एनआईए आसेआ दर्ज 80 मामलें च 210 अपराधिएं गी गिरफ्तार कीता ऐ। एहदे च 7 मामले जम्मू-कश्मीर च उग्रवाद कन्नै सरबन्धी हे। एजेंसी आसेआ सांझा कीता गेआ जे जम्मू खेत्तर च प्रतिबंधित हिज्बुल मुजाहिदीन आतंकवादी संगठन दे ओवर ग्राउंड वर्कर दे तौरा उप्पर कम्म करने आहले इक कार डरैवर थमां हत्थ ग्रेनेड, पिस्तौल ते पिस्तौल साइलेंसर जब्त कीता गेआ। एहदे अलावा एजेंसी नै अपनी क्षमता गी होर मजबूत करने ते इस खेत्तर च आतंकवाद सरबन्धी बड़े अपराधें कन्नै निब्वडने लेई जम्मू च इक खास एनआईए कोर्ट दी स्थापना बारै बी गल्लवात सांझी कीती।

<><><><><><>

India and Pakistan

भारत ते पाकिस्तान नै राजनयिक स्तर पर परमाणु प्रतिष्ठानें ते इक दूए दी हिरासत च मौजूद कैदियें ते मछुआरें दी सूची दा आदान-प्रदान कीता ऐ। 2008 च होए दे दपक्खी काउंसलर एक्सेस समझौते दे प्रावधानें दे तैहत ऐसी सूचियें दा आदान-प्रदान हर साल कीता जन्दा ऐ। विदेश मंत्रालय नै इक बयान च आक्खेआ ऐ जे भारत नै अपनी हिरासत च मौजूद पाकिस्तान दे 381 कैदियें ते 81 मछुआरें दे नां साझा कीते न। तोआई पाकिस्तान नै बी अपनी हिरासत च मौजूद भारत दे 49 कैदियें ते 217 मछुआरें दे ना साझा कीते। भारत ते पाकिस्तान बश्कार परमाणु प्रतिष्ठानें ते होरनें सुविधाएं पर हमले दी रोकथाम कन्नै संबंधित समझौते तैहत दोनें देशें परमाणु प्रतिष्ठानें ते होरनें सुविधाएं दी सूचि दा अदान-प्रदान कीता। नेई सूचि हर बरे पैहली जरनवरी गी सांझी कीती जन्दी ऐ। दौनें देशें 1988 च इस सरबन्ध च इक समझौता कीता हा।

<><><><><><>

DLSA Poonch

पुंछ दी जिला कनूनी सेवा प्राधिकरण नै बच्चें लेई कनूनी सेवा इकाई ते दमागी तौरा उप्पर कसरी ते दमागी तौरा पर कमजोर लोकें लेई कनूनी सेवा इकाई लेई दो रोजा सिखलाई कार्यक्रम दा आयोजन कीता गेआ। एह कार्यक्रम सचिव रफाकत हुसैन हुंदे मार्गदर्शन च होआ ते इस कार्यक्रम दा मकसद सदस्यें गी इनें समूहें दी मदद लेई जरूरी

जानकारी कन्नै लैस करना हा। बक्ख-बक्ख सत्रें दरान प्रतिभागियें गी बक्ख-बक्ख कनूनी ढांचे, केस प्रबंधन कन्नै परिचित कराया गेआ। एह पहलकदमी हाशिये उपपर रौहने आहले समुदायें लेई कनूनी मदाद च सुधार, नमें सिर ते असरदार न्याय गी यकीनी बनाने लेई डी.एल.एस.ए पुंछ दी प्रतिबद्धता गी दर्शादी ऐ।

<><><><><><>

New Year Welcome

दुनिया भरै दे कन्नो-कन्नो भारत च बी नमे बरे दा सौआगत जोर शोर कन्ने कीता जा'रदा ऐ। लोकें अपने परोआर आहलें कन्ने रिश्तेदारें ते दोस्तें गी नमे बरे दियां शुभकामना देआ र'दे न। केई सारी थाहरें पर नमे बरे दे सिलसिले च केई सारे कार्यक्रम दा सरिस्ता कीता जा र'दा ऐ। लोक इक दुए गी मुबारकां देआ र दे न। ते सब्बनं दी खुशहाली शान्ति ते तरक्की दा कमाना करा र दे न। राष्ट्रपति द्रोपदी मुर्मू, उप राष्ट्रपति जगदीप धनखड, प्रधानमंत्री नरेन्द्र मोदी, उप राज्यपाल मनोज सिन्हा, मुख्मन्त्री उमर अब्दुल्ला ते होरनें केई सारे लोकें सब्बनं गी नमे बरे दियां शुभकामना दितियां ते सब्बनं दी खुशहाली ते शान्ति दी कामना कीती।

<><><><><><>

Katra-Pilgrimage

नमें बरे दे मौके पर श्री माता वैश्वो देवी श्राइन च श्रद्धालुएं दा खासा रश दिखने गी लब्बा करदा ऐ। केई सारे श्रद्धालु आइए माता दे दरबार च मत्था टेका रदे न। श्री माता वैश्वो देवी श्राइन बोर्ड आसेआ एहदे लेई लोडचदे बंदोबस्त कीते गेदे न तां जे यात्रा गी सुचारू ढंगै सिर चलाया जाई सकै। उत्थे बाद्दू सुरक्षाबल ते मेडिकल अमला तैनात कीता गेआ ऐ। सी.सी.टी.वी कैमरे लाए गेदे न ते ड्रोन दी मदद बी लैती जा रदी ऐ। श्रद्धालुएं इनें इंतजामें पर खुशी जाहिर कीती ऐ। श्री माता वैश्वो देवी श्राइन बोर्ड दे मुख्म कार्रकारी अधिकार अंशुल गर्ग होरें श्रद्धालुएं दा धन्नवाद कीता ते उनेंगी दिशा-निर्देश दी पालमा करने लेई आखेआ। उनें श्रद्धालुएं गी आखेआ जे ओह यात्रा लेई पैहले थ्वां ऑनलाइन पंजीकरण करोआन। उनें आखेआ।

तोआई, केई सारे श्रद्धालुएं बावे आहली माता मंदर च मत्था टेकेआ ते माता दा आशीर्वाद लैता। मंदर च बडुलै थ्वां गै श्रद्धालु आवा रदे न ते मत्था टेकिए खुशहाली ते रमानदारी दी कामना करा करदे न।

<><><><><><>

DC-Doda Medical Camp

सेहत, जागरूकता दे राएं शिडक सुरक्षा गी बढावा देने लेई डोडा दे मोटर गड्डिएं सरबन्धी मैहकमे नै सेहत मैहकमे कन्नै मिलियै पुलडोडा च मेडिकल कैप दा आयोजन कीता। डी.सी डोडा हरविंद्र सिंह हुंदे मार्गदर्शन च इस कैप च मते सारे ड्राइवरें दी मुफ्त सेहत जांच, अक्खियें दी जांच ते दवाइयां दितियां गेइयां। इस पैहलकदमी दा मकसद ड्राइवरें दी सेहत गी यकीनी बनाइयै शिडक सुरक्षा च बाढा करना हा।

<><><><><><>

Weather

जम्मू च नमें बरे दे पैहले दिन घनी धुंध छाई दी रेई। पूरे खित्ते च सीत लैहर जारी ऐ। लोकें दा गलाना ऐ जे मौसम बड़ा मता ठंडा ऐ ते दूर तगर दिक्खने च बी मुश्कल आवा रदी ऐ जेदे चलदे आम जीवन च मुश्कल पेश आवा रदी ऐ।

मौसम विभाग नै औंदी 3 कोला 6 जनवरी तगर जम्मू-कश्मीर च मौसम दा मिजाज़ बिगड़ने, मैदानी इलाकें च हौली थमां दरम्याने दर्जे दी बरखा बरने ते उप्परले पहाड़ी इलाकें च बर्फबारी दे असार दस्से न। विभाग मूजब 4 ते 5 जरवरी गी केई उच्चिणं थाहरें पर भारी बर्फबारी होई सकदी ऐ। जम्मू-श्रीनगर राश्ट्री जरनैली शिड़क खुल्ली दी ऐ ते ओह्दे पर गड़िणं दी आओजाई दौनें बक्खी दा बरोबर जारी ऐ। जिसलै के पुंछ ते राजौरी जिलें गी घाटी कन्नै जोड़ने आहली ऐतिहासिक मुगल रोड अजें बी गड़िणं दी आओजाई लेई बंद ऐ। ताई जम्मू च अज्ज दा बद्दोबद्द तापमान 13 डिग्री सैल्यिस ते घट्टोघट्ट तापमान 8 अशारिया 4 डिग्री सैल्यिस दर्ज कीता गेआ।

<><><><><><>